

**“TASDIQLAYMAN”**

Davlat aktivlarini boshqarish  
agentligi direktori,  
Komissiya raisi

\_\_\_\_\_ A. Ortikov

“ 24 ” may 2023-yil

**Davlat ishtirokidagi korxonalarning kuzatuv kengashi tarkibiga davlat ulushi  
bo'yicha nomzodlarni tanlab olish komissiyasi yig'ilishining  
01/03-09-3/2-sonli BAYONI**

2023-yil “ 24 ” may

Toshkent shahri

**Raislik qildi:** A. Ortikov — Davlat aktiv agentligi direktori - Komissiya raisi

**Qatnashdilar:** A. Miraliyev — Direktor o'rinbosari - Komissiya a'zosi  
J. Nasirov — Direktorining xorijiy maslahatchisi - Komissiya a'zosi

T. Nabiyev — Strategik rejalashtirish, metodologiya, tarkibiy bo'linmalar faoliyatini muvofiqlashtirish va ijro intizomi nazorati yig'ma axborot-tahlil departamenti boshlig'i - Komissiya a'zosi

U. Gaziyeu — Shartnomaviy-huquqiy munosabatlar va da'vo ishlarini yuritish bo'yicha yuridik boshqarma boshlig'i - Komissiya a'zosi

Sh. Sofarov — Davlat ishtirokidagi korxonalarning boshqaruv va nazorat organlarini shakllantirish bo'limi boshlig'i - Komissiya kotibi

**KUN TARTIBI:**

*Davlat aktiv agentligi ishtirokidagi korxonalarning kuzatuv kengashi tarkibiga davlat ulushi bo'yicha nomzodlarni ko'rsatish uchun e'lon qilingan tanlov natijalari va nomzodlarni tanlash to'g'risida*

---

(Ortikov, Miraliyev, Nasirov, Nabiyeu, Gaziyeu, Sofarov)

Komissiyaning 2023-yil 19-apreldagi 01/03-08-1/1-son qarori bilan 2023-yil 20-aprel kuni Davaktiv agentligi ishtirokidagi 61 ta korxonalarning davlat ulushi bo'yicha 306 nafar a'zolik o'rinlariga kuzatuv kengashi tarkibiga nomzodlarni ko'rsatish uchun veb-portal ([www.cns.davaktiv.uz](http://www.cns.davaktiv.uz)) orqali tanlov e'lon qilindi.

Tanlovda ishtirok etish uchun 758 nafar talabgorlardan ariza kelib tushgan, shundan, 179 nafari malaka talablariga mos kelmaganligi sababli rad etilgan va 579 nafari malaka talablariga mos kelganligi bois nomzod sifatida qabul qilingan.

*Ma'lumot uchun: Vazirlar Mahkamasining 2022-yil 4-noyabrdagi 647-son qarori bilan tasdiqlangan Davlat ishtirokidagi korxonalarning kuzatuv kengashi tarkibiga davlat ulushi bo'yicha nomzodlarni tanlab olish tartibi to'g'risidagi nizom (Nizom) talablariga ko'ra, nomzod muqaddam davlat ulushi bo'yicha korxonalar kuzatuv kengashi tarkibiga taklif etilmagan yoki u bilan suhbat o'tkazilmagan bo'lsa, u bilan suhbat o'tkazilishi majburiy hisoblanadi.*

Kun tartibidagi masala yuzasidan, Komissiya **QAROR QILDI:**

1. Quyidagilar: "Davlat mulkini boshqarish to'g'risida"gi Qonunining 44-moddasiga ko'ra, davlat ishtirokidagi korxonalarning kuzatuv kengashi a'ziligiga davlat ulushi bo'yicha nomzod tegishincha Davaktiv agentligi, maxsus vakolatli davlat organlari va mahalliy ijro etuvchi hokimiyat organlari tomonidan tuzilgan tanlov komissiyasi tomonidan tanlanishi belgilanganligi;

Nizom talablariga ko'ra, malaka talablariga mos kelmaydigan talabgorlar kuzatuv kengashi a'ziligiga nomzod bo'la olmasligi ko'rsatib o'tilganligi;

Davaktiv agentligi ishtirokidagi 61 ta korxonalarning kuzatuv kengashi tarkibiga nomzodlarni ko'rsatish uchun veb-portal ([www.cns.davaktiv.uz](http://www.cns.davaktiv.uz)) orqali tanlov e'lon qilinganligi hamda 30 kun davomida keng jamoatchilik OAV va televideniya orqali xabardor qilib borilganligi, jumladan Davaktiv agentligining rasmiy veb-sayti hamda ijtimoiy tarmoqlardagi sahifalari orqali keng yoritib borilganligi;

mazkur tanlovlarda ishtirok etish uchun 61 ta korxonalarning davlat ulushi bo'yicha 306 nafar a'zolik o'rinlariga jami 758 nafar talabgorlardan ariza kelib tushganligi, shundan 179 nafari malaka talablariga mos kelmaganligi sababli rad etilganligi hamda 579 nafari malaka talablariga mos kelganligi sababli nomzod sifatida qabul qilinganligi;

malaka talablariga mos kelgan 579 nafar nomzodlar ichidan:

- 331 nafar nomzodlar 1-ilovaga muvofiq 21 ta korxonalarning 105 nafar a'zolik o'rinlariga ariza topshirganligi, har bir a'zolik o'rniga kamida 2 nafar nomzod ishtirok etayotganligi sababli tanlab olish imkoniyati mavjudligi va 247 nafar qisqa ro'yxat (short list) 2-ilovaga muvofiq shakllantirilganligi, qisqa ro'yxat (short list) ichidan 26 nafar nomzodlar 3-ilovaga muvofiq muqaddam davlat ulushi bo'yicha korxonalar kuzatuv kengashi tarkibiga taklif etilmaganligi yoki suhbat o'tkazilmaganligini inobatga olib, suhbat jarayoniga jalb etilganligi;

- 248 nafar nomzodlar 40 ta korxonalarning 201 nafar a'zolik o'rinlariga ariza topshirganligi, biroq har bir a'zolik o'rniga kamida 2 nafar nomzod ishtirok etmayotganligi sababli tanlab olish imkoniyati mavjud emasligi ma'lumot uchun qabul qilinsin.

2. Davaktiv agentligi ishtirokidagi 21 ta korxonalarning kuzatuv kengashi tarkibiga davlat ulushi bo'yicha nomzodlarni ko'rsatish uchun baholash ballari, suhbat natijalari va kuzatuv kengashidagi faoliyatidagi tajribasiga ko'ra saralab olingan 105 nafar nomzodlar 4-ilovaga muvofiq g'olib deb topilsin.

3. Davaktiv agentligi ishtirokidagi 40 ta korxonalarning 5-ilovaga muvofiq 201 nafar a'zolik o'rinlariga tanlov muddati 30 kunga uzaytirilsin.

4. Davaktiv agentligining Davlat ishtirokidagi korxonalarda korporativ munosabatlarni ta'minlash departamenti (Qurbonaliyev):

- uch kun muddatda Davaktiv agentligi ishtirokidagi 21 ta korxonalarning kuzatuv kengashi tarkibiga g'olib deb topilgan 105 nafar nomzodlarni kiritish bo'yicha ko'rsatma xatlari yuborish hamda aksiyador (ta'sischi)larning umumiy yig'ilishida mazkur nomzodlarni davlat ulushi nomidan kuzatuv kengashi tarkibiga kiritish, bunda "Jizzax plastmassa" AJ ustav kapitalidagi davlat ulushi "O'zkimyosanoat" AJga berilganligi sababli g'olib deb topilgan nomzodlar ro'yxatini ko'rib chiqish va aksiyadorlar umumiy yig'ilishida inobatga olish uchun "O'zkimyosanoat" AJga tavsiya etish;

- o'ttiz kun davomida Axborot va jamoatchilik bilan aloqalar bo'limi bilan birgalikda 40 ta korxonalarning kuzatuv kengashi tarkibidagi a'zolik o'rinlariga tanlov muddati uzaytirilganligi to'g'risida keng jamoatchilikni xabardor qilish, shu jumladan Davaktiv agentligining rasmiy veb-sayti hamda ijtimoiy tarmoqlardagi sahifalari orqali keng yoritish choralari ko'rsin.

5. Tanlovlarda nomzodlardan arizalarni qabul qilish 30 kun davomida amalga oshirilsin hamda arizalarni qabul qilishning boshlanish sanasi e'lon qilingan tanlovlar to'g'risidagi ma'lumotlar maxsus veb-portalga joylashtirilgan sana etib belgilansin.

6. Mazkur bayon ijrosini ta'minlash komissiya kotibi Sh. Sofarov zimmasiga yuklansin.

**Komissiya a'zolari:**

|       |              |
|-------|--------------|
| _____ | A. Miraliyev |
| _____ | J. Nasirov   |
| _____ | T. Nabiyeu   |
| _____ | U. Gaziyeu   |
| _____ | Sh. Sofarov  |

